

Nr 1364

Ásahus

guolástanásahusa rievdadeamis

Addojuvvon Helssegis juovlamánu 30 beaivve 1997

Eana- ja meahccedoalloministeriija árvalusa vuodul
rievdaduvvo juovlamánu 30 beaivve 1982 addojuvvon guolástanásahusa (1116/1982) 17 §:a 3 čuokkis, 19 §:a 1 momeanta, 38 §:a 2 momeanta ja 43 §:a 1 momeanta, dakkárin go dain leat 17 §:a 3 čuokkis ja 19 §:a 1 momeanta ásahusas 179/1993, ja
lasihuvvo odđa 34 a ja 41 a § čuovvovaččat:

17 §

Čuovvovaš guolit leat ráfáidahttojuvvon ja daid bivdu lea gildojuvvon vuollelis máinnašuvvon áiggiid áigge:

3) hárra, earret Eanodaga, Anára ja Ohcejoga gielddain, cuoŋo- ja miessemánus goittot nu, ahte dan oažžu bivdit stákkuin ja oaggumiin; ja

19 §

Luonddučáziin bivdojuvvon guolit galget deavdit čuovvovaš vuolimus lobálaš mihtuid gáibegeažis njuolgadin njulgejuvvon, oktiičárvejuvvon beahcetgeahčai mihtidettiin:

luossa 60 sentemehtera, earret Oulu ja Lappi leana siskkáldas guovllučáziin 50 sentemehtera;
 guvžá 40 sentemehtera;
 jávreluossa 40 sentemehtera;
 guovžur (jávredápmot) 40 sentemehtera;
 rávdu Vuoksi čázadagas ja Anárjávrris 40 sentemehtera;
 šudđi 30 sentemehtera; ja
 hárra 30 sentemehtera.

34 a §

Lohpeduođastusa, mii addá vuoigatvuođa Eanodaga, Anára dahje Ohcejoga gielddas fásta ássi olbmui guolástit guolástanlága 12 §:a 1 mome-

anttas oaivvilduvvon bivdovugiin, addá 33 §:a 1 momeanttas máinnašuvvon eiseváldi dahje dan rávvagiid mielde dan vuollásaš guovlluguovdasaš eiseváldi dahje máinnašuvvon eiseválddi dohkkehan eará lobi addi. Duođastus addojuvvo mearreáigái. Lohpái vuodduvvi vuoigatvuođa ii oaččo luohpadit nuppi olbmui.

Eanodaga, Anára ja Ohcejoga gielddain sáhtta mielihit 34 §:a 1 momeanttas oaivvilduvvon lobiid, jos dat ii heajosmahte guolástanlága 12 §:a 1 momeanttas oaivvilduvvon lobi vuodul bivdi olbmuid guolástanvejolašvuođaid.

38 §

Nuppástusa ohcamis 1 momeanttas oaivvilduvvon nannejupmái mearriduvvo hálddahušláhka-geavahanlágas (586/1996).

41 a §

Ovdalis 33 §:a 1 momeanttas oaivvilduvvon eiseváldi galgá Eanodaga, Anára ja Ohcejoga gielddain várret guolástanlága 14 a §:s oaivvilduvvon ráddádallangoddái vejolašvuođa árvalusa addimii ovdalgo dán lága 37, 39, 40 dahje 41 §:s oaivvilduvvon nannejupmi dahkkojuvvo.

43 §

Guolástanvuoigatvuohta, mii sierra njuolggadusaid vuodul gullá stáhta eatnamiin ássi olbmui-

de, bissu dás duohkoge fámus. Nuortalaččaid
vuoigatvuodas bivdit Njávdáma ja Njellima čáziin
lea fámus, mii das lea sierra mearriduvvon.

Dát ásahus boahtá fápmui ođđajagimánu 1
beaivve 1998.

Helssegis juovlamánu 30 beaivve 1997

Dásseválldi Presideanta

MARTTI AHTISAARI

Eana- ja meahccedoalloministar *Kalevi Hemilä*